



## INSTITUTI I SHENDETIT PUBLIK

DEPARTAMENTI I EPIDEMIOLOGJISË DHE KONTROLLIT TË  
SËMUNDJEVE INFEKTIVE

PROGRAMI KOMBËTAR I VAKSINIMIT

## PROCESI I VAKSINIMIT NDAJ COVID-19 DHE GRIPIT SEZONAL

JAVA 12, 2026

### Permbajtja:

1. VAKSINIMI NDAJ GRIPIT SEZONAL 2025-2026 (java 12, 2026)
2. VAKSINIMI NDAJ COVID-19 (Java 43, 2024-java 12, 2026)

## 1. VAKSINIMI NDAJ GRIPIT SEZONAL 2025-2026

Vaksinimi ndaj gripit sezonal është një masë parandaluese e rëndësishme për reduktimin e shtrimeve në spitale, komplikacioneve dhe vdekjeve të shkaktuara nga viruset respiratorë, veçanërisht tek personat me sëmundje bashkëshoqëruese.

Në Shqipëri, në vitin 2007 u hartuan politikat e para për vaksinimin ndaj gripit sezonal për grupet e riskut, të cilat përfshinin personat me sëmundje kronike dhe personelin shëndetësor. Në vijim, në vitin 2009, u bënë ndryshime në politikat e vaksinimit ndaj gripit sezonal për grupet e riskut, duke përfshirë:

- Të moshuarit
- Personat me sëmundje kronike
- Personelin shëndetësor
- Gratë shtatzëna

Në vitin 2014 u bënë ndryshime të tjera në politikat e vaksinimit ndaj gripit për grupet e riskut, ku krahas të moshuarve, personave me sëmundje kronike dhe grave shtatzëna, u shtuan edhe fëmijët dhe personat obezë, si dhe u specifikua personeli shëndetësor target.

Në vitin 2016 u kryen modifikime të tjera në politikat e vaksinimit ndaj gripit, me rekomandimin për vaksinimin e të gjithë personave nga mosha 6 muaj e lart, duke u fokusuar veçanërisht tek grupet e riskut: fëmijët, gratë shtatzëna, të moshuarit, personat me sëmundje kronike, personat obezë dhe personeli shëndetësor target.

Në vitin 2017 dhe në vijim, në rekomandimet e vaksinimit u shtuan edhe personat me diabet, si dhe u përfshi i gjithë personeli shëndetësor. Një program i posaçëm vaksinimi për punonjësit e kujdesit shëndetësor ishte krijuar që në vitin 2014.


Që nga viti 2018, vaksina e gripit është përfshirë në planin dhe parashikimin kombëtar të imunizimit. Buxheti për vaksinën e gripit është përfshirë në linjën buxhetore të vaksinave të fëmijëve, në kuadër të Programit Kombëtar të Vaksinimit.

Tashmë, vaksinimi ndaj gripit sezonal kryhet prej shumë vitesh dhe vazhdon të rekomandohet për personat në risk, të cilët përfshijnë:

- Punonjësit shëndetësorë (mjekë, infermierë, staf mbështetës)

- Persona me sëmundje kardiovaskulare, diabet, sëmundje pulmonare dhe sëmundje të tjera kronike të mëlçisë ose veshkave, si dhe persona me tumor/kancer
- Persona obezë
- Persona me imunitet të komprometuar
- Gra shtatzëna
- Persona mbi 65 vjeç
- Mësues dhe edukatorë
- Policë dhe forcat e rendit
- Fëmijë nga 6 muaj deri në 12 vjeç

Sasia e dozave të prokuruar ndër vite ka ardhur në rritje. Në grafik paraqiten dozat e blera nga Qeveria Shqiptare, donacionet, si dhe vaksinat e blera nga firmat farmaceutike ndër vite.



Grafiku 1: Sasia e vaksinave te gripit te ardhura nder vite

- Gjatë sezonit të gripit **2025-2026** Programi Kombëtar i Vaksinit, pranë Institutit të Shëndetit Publik (ISHP) ka shpërndare në 36 Njësi Vendore të Kujdesit Shëndetësor (NJVKSH) **280,000 doza të vaksinës ndaj gripit sezonal**, përkatësisht: 40,000 doza në flakon një-dozësh dhe 240,000 doza në flakon me 10 doza. Vaksinimi ndaj gripit sezonal për sezonin **2025–2026** nisi më **22 shtator 2025** në të gjithë vendin.
- Gjatë sezonit **2024-2025**, kanë ardhur **280 000** doza vaksine gripi, 4 valente (40 000 doza në flakon me një dozë dhe 240 000 doza në flakon me 10 doza) dhe fushata e vaksinit ndaj gripit sezonal 2024-2025 filloi në datën **7 Tetor 2024** në të gjithë vendin.
- Gjatë sezonit **2023-2024** kanë ardhur **260 000 doza** vaksine gripi, 4 valente dhe fushata e vaksinit kundër gripit sezonal 2023-2024 filloi në datën **16 Tetor 2023** në të gjithë vendin.

### Llojet e vaksinave të përdorura


- Gjatë këtyre sezoneve, në Shqipëri janë aplikuar **vaksinat 4-valente** me virion te copëzuar, te inaktivizuara, GC FLU të prodhuara nga GC Biopharma në Korenë e Jugut dhe të parakualifikuara nga Organizata Botërore e Shëndetësisë (OBSh) **të cilat janë në flakone** prej 0.5ml dhe aplikohen në mënyre intramuskulare.

### Ecuria e vaksinit:

**Aplikimi dhe regjistrimi në SIV i vaksinave ndaj gripit sezonal ka filluar gjatë sezonit 2023-2024. Burimi i të dhënave është sistemi SIV për të tre sezonet.**

- Për sezonin 2025-2026 deri në javën 12/2026 (22 Shtator – 22 mars) janë kryer gjithsej 242 957 doza, që përbëjnë 87 % të dozave të shpërndara.
- Për sezonin 2024-2025 deri në javën 12/2025 (7 tetor – 23 mars) ishin kryer gjithsej 224 375 që përbënin 80.1 % të dozave të shpërndara.
- Për sezonin 2023-2024 deri në javën 12/2024 (16 tetor – 24 mars) ishin kryer gjithsej 215 739 që përbënin 82.9 % të dozave të shpërndara.

Ecuria e vaksinit deri në javën e 12-të për 3 sezonet e gripit të sipërpërmëndura paraqiten në grafikun mëposhtë. Dhe në grafik tregohet që në 3 sezonet e gripit sezonal javët e para kanë dhe numrin më të lartë të aplikimit të vaksinave dhe më pas ka një rënie graduale.



**Grafiku 2: Ecuria e vaksinimit sipas javëve për 3 sezone të gripit sezonal**


Shpërndarja e dozave dhe të aplikuara sipas NJVKSH-ve për sezonin 2025-2026 paraqitet në tabelën e mëposhtme:

|             | NJVKSH         | Sasia ne doza | Sasia e shperndare<br>(GC Flu 1/doze) | Sasia e aplikuar me<br>(GC Flu 1/doze) | % e aplikimit<br>(GC Flu 1/doze) | Sasia e shperndare<br>(GC Flu 10/doze) | Sasia e aplikuar me<br>(GC Flu 10/doze) | % e aplikimit<br>(GC Flu 10/doze) | TOTAL  | % e aplikimit ne total |
|-------------|----------------|---------------|---------------------------------------|----------------------------------------|----------------------------------|----------------------------------------|-----------------------------------------|-----------------------------------|--------|------------------------|
| Shkodër     | Shkodër        | 14000         | 1000                                  | 803                                    | 80.3                             | 13000                                  | 10186                                   | 78.35                             | 10989  | 78.49                  |
|             | Malësi e Madhe | 3500          | 500                                   | 491                                    | 98.2                             | 3000                                   | 2999                                    | 99.97                             | 3490   | 99.71                  |
|             | Pukë           | 2500          | 500                                   | 315                                    | 63.0                             | 2000                                   | 1934                                    | 96.70                             | 2249   | 89.96                  |
| Kukës       | Kukës          | 4000          | 500                                   | 487                                    | 97.4                             | 3500                                   | 3464                                    | 98.97                             | 3951   | 98.78                  |
|             | Has            | 1500          | 500                                   | 498                                    | 99.6                             | 1000                                   | 1000                                    | 100.00                            | 1498   | 99.87                  |
|             | Tropojë        | 2000          | 500                                   | 487                                    | 97.4                             | 1500                                   | 1431                                    | 95.40                             | 1918   | 95.90                  |
| Lezhë       | Lezhë          | 6000          | 500                                   | 480                                    | 96.0                             | 5500                                   | 5500                                    | 100.00                            | 5980   | 99.67                  |
|             | Mirditë        | 2500          | 500                                   | 497                                    | 99.4                             | 2000                                   | 2000                                    | 100.00                            | 2497   | 99.88                  |
|             | Kurbin         | 4500          | 500                                   | 500                                    | 100.0                            | 4000                                   | 3451                                    | 86.28                             | 3951   | 87.80                  |
| Tiranë      | Tiranë         | 36000         | 6000                                  | 5002                                   | 83.4                             | 30000                                  | 26247                                   | 87.49                             | 31249  | 86.80                  |
|             | Kavajë         | 7000          | 1000                                  | 790                                    | 79.0                             | 6000                                   | 4869                                    | 81.15                             | 5659   | 80.84                  |
| Durrës      | Durrës         | 17000         | 3000                                  | 2172                                   | 72.4                             | 14000                                  | 11708                                   | 83.63                             | 13880  | 81.65                  |
|             | Krujë          | 6000          | 1000                                  | 587                                    | 58.7                             | 5000                                   | 4344                                    | 86.88                             | 4931   | 82.18                  |
| Dibër       | Dibër          | 6000          | 1000                                  | 958                                    | 95.8                             | 5000                                   | 4851                                    | 97.02                             | 5809   | 96.82                  |
|             | Bulqizë        | 3500          | 500                                   | 395                                    | 79.0                             | 3000                                   | 2043                                    | 68.10                             | 2438   | 69.66                  |
|             | Mat            | 3800          | 800                                   | 588                                    | 73.5                             | 3000                                   | 2365                                    | 78.83                             | 2953   | 77.71                  |
| Fier        | Fier           | 27600         | 2600                                  | 2562                                   | 98.5                             | 25000                                  | 25000                                   | 100.00                            | 27562  | 99.86                  |
|             | Mallakastër    | 2900          | 400                                   | 400                                    | 100.0                            | 2500                                   | 2417                                    | 96.68                             | 2817   | 97.14                  |
|             | Lushnjë        | 22000         | 2000                                  | 1727                                   | 86.4                             | 20000                                  | 13885                                   | 69.43                             | 15612  | 70.96                  |
| Vlorë       | Vlorë          | 18500         | 1500                                  | 1455                                   | 97.0                             | 17000                                  | 14304                                   | 84.14                             | 15759  | 85.18                  |
|             | Delvinë        | 3450          | 450                                   | 413                                    | 91.8                             | 3000                                   | 1584                                    | 52.80                             | 1997   | 57.88                  |
|             | Sarandë        | 4800          | 800                                   | 683                                    | 85.4                             | 4000                                   | 3632                                    | 90.80                             | 4315   | 89.90                  |
| Gjirokastrë | Gjirokastrë    | 7500          | 1000                                  | 839                                    | 83.9                             | 6500                                   | 5646                                    | 86.86                             | 6485   | 86.47                  |
|             | Përmet         | 3450          | 450                                   | 302                                    | 67.1                             | 3000                                   | 2725                                    | 90.83                             | 3027   | 87.74                  |
|             | Tepelenë       | 3000          | 500                                   | 461                                    | 92.2                             | 2500                                   | 2116                                    | 84.64                             | 2577   | 85.90                  |
| Korçë       | Korçë          | 11000         | 1000                                  | 986                                    | 98.6                             | 10000                                  | 9947                                    | 99.47                             | 10933  | 99.39                  |
|             | Pogradec       | 6330          | 830                                   | 775                                    | 93.4                             | 5500                                   | 5480                                    | 99.64                             | 6255   | 98.82                  |
|             | Devoll         | 2500          | 500                                   | 462                                    | 92.4                             | 2000                                   | 1934                                    | 96.70                             | 2396   | 95.84                  |
| Berat       | Kolonjë        | 1500          | 500                                   | 495                                    | 99.0                             | 1000                                   | 953                                     | 95.30                             | 1448   | 96.53                  |
|             | Berat          | 11000         | 1000                                  | 887                                    | 88.7                             | 10000                                  | 9689                                    | 96.89                             | 10576  | 96.15                  |
|             | Kuçovë         | 3500          | 500                                   | 496                                    | 99.2                             | 3000                                   | 2918                                    | 97.27                             | 3414   | 97.54                  |
| Elbasan     | Skrapar        | 3500          | 500                                   | 500                                    | 100.0                            | 3000                                   | 3000                                    | 100.00                            | 3500   | 100.00                 |
|             | Elbasan        | 16000         | 4000                                  | 3653                                   | 91.3                             | 12000                                  | 7400                                    | 61.67                             | 11053  | 69.08                  |
|             | Peqin          | 3000          | 500                                   | 363                                    | 72.6                             | 2500                                   | 2193                                    | 87.72                             | 2556   | 85.20                  |
| Elbasan     | Gramsh         | 3500          | 500                                   | 494                                    | 98.8                             | 3000                                   | 3000                                    | 100.00                            | 3494   | 99.83                  |
|             | Librazhd       | 3500          | 500                                   | 315                                    | 63.0                             | 3000                                   | 2244                                    | 74.80                             | 2559   | 73.11                  |
| Total       |                | 278330        | 38330                                 | 33318                                  |                                  | 240000                                 | 208459                                  |                                   | 241777 | 86.87                  |

Tabela 1: Sasia e dozave te shpërndara dhe përqindja e aplikimit sipas NJVKSH-ve, java 12/2026


## Ecuria e procesit te vaksinimit sipas katër rajoneve të vendit

**DROSHKSH Tiranë:** përfshin NJVKSH Bulqizë, Dibër, Mat, Durrës, Krujë, Tiranë dhe Kavajë. NJVKSH-të me përdorimin më të lartë dhe konstant për 3 sezonet janë NJVKSH Dibër me mbi 90 % dhe NJVKSH Durrës mbi 80 %. Njvksh Krujë ka një rritje të përdorimit nga sezoni 2024-2025 (49.4%) në (82.5 %) dhe gjithashtu NJVKSH Tiranë ka një përdorim më të mirë (86.8 %) gjatë sezonit 2025-2026. Përdorimi i vaksinës në përqindje për këtë rajon paraqitet në grafikun e mëposhtëm.



**Grafiku 3: Përqindja e aplikimit sipas NJVKSH-ve, DROSHKSH Tiranë**


**DROSHKSH Shkodër:** përfshin NJVKSH Has, Kukës, Tropojë, Lezhë, Kurbin, Mirditë, Shkodër, Pukë dhe Malësi e Madhe. Ky rajon në sezonin 2025-2026 ka patur një rritje të dukshme të aplikimit të vaksinës kryesisht në NJVKSH Has (99.9 %), NJVKSH Mirditë (99.9%), NJVKSH M.Madhe (99.7 %), NJVKSH Lezhë (99.7 %), NJVKSH Pukë (90 %), NJVKSH Kurbin (87.8 %), NJVKSH Shkodër (78.5 %).



**Grafiku 4: Përqindja e aplikimit sipas NJVKSH-ve, DROSHKSH Shkodër**


**DROSHKSH Elbasan:** përfshin NJVKSH Korçë, Pogradec, Devoll, Kolonjë, Berat, Kuçovë, Skrapar, Elbasan, Peqin, Gramsh dhe Librazhd. Ky rajon ka patur në përgjithësi një ecure të mirë vaksinimi por ato që në sezonin e fundit kanë përqindje më të lartë janë Njvksh Skrapar që ka arritur 100 % të përdorimit, NJVKSH Gramsh (99.8 %), Njvksh Korçë (99.4 %), Njvksh Pogradec (98.8 %), NJVKSH Kuçovë (97.5 %), NJVKSH Devoll (95.8 %),

NJVKSH Kolonjë (95.3 %). Njvksh Elbasan ka patur një ecuri të ngadaltë me përqindjen më të ulët (69.1 %) dhe NJVKSH Librazhd (73.1 %) për sezonin 2025-2026.



*Grafiku 5: Përqindja e aplikimit sipas NJVKSH-ve, DROSHKSH Elbasan*

**DROSHKSH Vlorë:** përfshin NJVKSH Fier, Lushnjë, Mallakastër, Gjirokastrë, Përmet, Tepelenë, Delvinë, Sarandë dhe Vlorë. Njvksh Fier në 3 sezone ka patur një përqindje të lartë vaksinimi me mbi (95 %). Disa Njvksh kanë një rritje të lartë të përdorimit si NJVKSH Mallakastër (97.1%), NJVKSH Përmet (87.7 %), Njvksh Tepelenë (85.9 %). Njvksh Gjirokastrë ka patur një ulje nga 100 % në sezonin 2023-2024 në (86.5 %) për sezonin 2025-2026. Njvksh Delvinë ka përqindjen më të ulët të përdorimit në 3 sezone (57.9 %).




*Grafiku 6: Përqindja e aplikimit sipas NJVKSH-ve, DROSHKSH Vlorë*

### Mbulesa vaksinale sipas grup-moshave




Grafiku mëposhtëm paraqet mbulesën vaksinale sipas grupmoshave për tre sezonet e gripit. Grupmosha me mbulesën më të lartë vaksinale në te tre sezonet është grup mosha mbi 80 vjeç përkatësisht në sezonin 2025-2026 (31.5 %), për sezonin 2024-2025 (28%) dhe në sezonin 2023-2024 (24.8 %).



*Grafiku 7: Mbulesa vaksinale sipas grup-moshave për 3 sezone të gripit sezonal*

### **Mbulesa vaksinale sipas grupeve të riskut**


Grafiku paraqet mbulesën vaksinale sipas grupeve të riskut dhe mbulesa vaksinale në 2 sezonet e gripit sezonal është më e lartë është tek personat me sëmundje kardiovaskulare mbi (35 %) dhe për sezonin 2025-2026 është (39.6 %). Personat me diabet kanë një mbulesë vaksinale (29.7%) për sezonin 2025-2026, (23.3 %) për sezonin 2024-2025 dhe (24.6 %) për sezonin 2023-2024. Të dhënat e popullatës me sëmundje kronike janë marrë nga Fondi i Sigurimit të Detyrueshëm të Kujdesit Shëndetësor (**FSDKSH**).



Grafiku 8: Mbulesa vaksinale sipas grupeve të riskut, tre sezone të gripit sezonal

### **Mbulesa vaksinale tek personeli shëndetësor**


Stafi mjekësor është ndër grupet më të ekspozuara ndaj gripit sezonal për shkak të kontaktit të vazhdueshëm me pacientët dhe ekspozimit të lartë ndaj infeksioneve respiratore. Në dy sezonet e mëparshme mbulesa vaksinale ka qënë më e ulët tek personeli shëndetësor ndersa në sezonin aktual 2025-2026 mbulesa vaksinale është (53 %).



Grafiku 9: Mbulesa vaksinale sipas personelit shëndetësor

## Përdorimi i vaksinës sipas profesioneve

Gjatë tre sezoneve të gripit sezonal mësuesit janë ato me përdorimin më të mirë të vaksinës ndaj gripit sezonal. Përqindjen më të ulët të përdorimit e kanë edukatorët.



*Grafiku 10: Aplikimi i vaksinës sipas profesioneve, tre sezonet e gripit sezonal*

## 2. VAKSINIMI NDAJ COVID-19 (Java 43, 2024-java 12, 2026)

Në mbledhjen e datës 22 gusht 2024, Komiteti Shqiptar i Ekspertëve të Vaksinimit (NITAG) rekomandoi:

1. Vaksinimi ndaj COVID-19 duhet të vazhdojë.
2. Çdo vit duhet të aplikohet vakcina ndaj COVID-19 për grupet më prioritare dhe në rrezik.
3. Vakcina COVID-19 duhet të administrohet në të njëjtën kohë me vaksinën kundër gripit sezonal, kur është e mundur, për të shmangur që qytetarët të paraqiten dy herë në qendrat shëndetësore.
4. Të vaksinohen me një dozë të vaksinës monovalente, pavarësisht nga statusi i mëparshëm i vaksinimit, personat në grupet e mëposhtme:
  - Punonjësit shëndetësorë dhe ata që punojnë në institucione të kujdesit afatgjatë.
  - Personat që jetojnë në institucione të kujdesit afatgjatë (mbi 12 vjeç).
  - Të gjithë personat mbi 60 vjeç.
  - Personat mbi 12 vjeç me sëmundje bashkëshoqëruese, përfshirë:
    - Sëmundje kardiovaskulare.

- Diabet.
  - Sëmundje obstruktive të mushkërive.
  - Sëmundje kronike të veshkave dhe mëlçisë.
  - Lloje të ndryshme kanceri.
  - Gjendje që shkaktojnë frenim të imunitetit.
  - Obezitet.
- Gratë shtatzëna.

### Vaksina COMIRNATY™ e Disponueshme në Shqipëri:

Aktualisht në Shqipëri është e disponueshme vakcina **COMIRNATY™ Monovalent [Omicron JN.1]**

#### COMIRNATY™ Monovalent [Omicron JN.1]


- **Përmbajtje aktive:** *bretoveran* (mRNA për nënvariantin Omicron JN.1)
- **Përdorimi:** 30 mikrogramë për adoleshentë dhe të rritur  $\geq 12$  vjeç
- **Data e skadencës së dozave të ardhura:** 31 mars 2026
- **Sasia e ardhur më 17 prill 2025:** 5,760 doza

### Dokumentimi i Vaksinimit

Çdo vaksinë e administruar regjistrohet **në kohë reale në Sistemin e Informimit të Vaksinimit (SIV)** dhe është e disponueshme për qytetarët në **portalin e-Albania**, te seksioni “**Kartela ime e Vaksinimit**”.

Kartela ofrohet në **shqip dhe anglisht** dhe është e vlefshme për përdorim personal apo zyrtar.


Nga fillimi i përdorimit në javën e 43-të të vitit 2024 deri në javën e 12-të të vitit 2026, në Shqipëri janë administruar gjithsej **1,710 doza**.



Grafiku 1 Numri i vaksinave ndaj COVID-19 te aplikuara sipas javeve, (java 43, 2024-java 12, 2026)

Grafiku paraqet numrin e vaksinave COVID-19 të aplikuara sipas javëve, për periudhën 2024–2025–2026.


Megjithëse rekomandohet aplikimi i vaksinës kundër COVID-19, vihet re një ulje e kërkesës nga qytetarët dhe, si pasojë, edhe e numrit të vaksinave të administruara.



Grafiku 2. Numri i vaksinave ndaj COVID-19 te aplikuara sipas NJVKSH-ve (java 43, 2024-java 12, 2026)

Sic shihet në grafik **Tirana** ka numrin më të lartë të vaksinave (541), ndjekur nga **Fieri** (209) dhe **Vlora** (142).


Stafi mjekësor përbën një nga grupet me risk të lartë për ekspozim ndaj infeksionit me COVID-19, për shkak të kontaktit të drejtpërdrejtë me pacientët dhe mjediset shëndetësore. Vaksinimi i këtij grupi është thelbësor jo vetëm për mbrojtjen e shëndetit të tyre personal, por edhe për të garantuar sigurinë e pacientëve dhe vazhdimësinë e shërbimeve shëndetësore. Megjithatë, të dhënat tregojnë se përdorimi i vaksinës në këtë kategori mbetet i ulët. Ne total janë aplikuar **117 doza** deri javen e 12, 2026.



Grafiku 3: Numri i stafit mjeksor te vaksinuar ndaj COVID-19, (java 43, 2024-java 12, 2026)

**Infermierët** kanë numrin më të madh të vaksinimeve (77), ndjekur nga **mjekët** me (31). **Stafi mbështetës** ka marrë **9 doza**. **Totali i përgjithshëm është 117**, duke reflektuar numrin e përgjithshëm të vaksinimeve në këtë kategori profesionale.


Grupet në rrezik për komplikacione të rënda nga COVID-19 përfshijnë të moshuarit, personat me sëmundje kronike (si diabet, hipertension, sëmundje kardiovaskulare, respiratore, renale dhe hepatike), individët me imunitet të kompromentuar, gratë shtatzëna, si dhe punonjësit shëndetësorë. Vaksinimi i këtyre grupeve është një masë thelbësore parandaluese për të reduktuar shtrimet në spitale, format e rënda të sëmundjes dhe rrezikun e vdekshmërisë. Për më tepër, mbrojtja e këtyre kategorive ka ndikim të drejtpërdrejtë në ruajtjen e kapaciteteve të sistemit shëndetësor dhe në sigurimin e funksionimit normal të shërbimeve të tjera mjekësore. Rekomandimet ndërkombëtare dhe ato kombëtare theksojnë rëndësinë e vaksinimit periodik për këto grupe, duke pasur parasysh se imuniteti i fituar nga vaksina apo infeksioni i mëparshëm zbehet me kalimin e kohës.



Grafiku 4: Numri I personave te vaksinuar ndaj COVID-19 sipas grupeve te riskut, (java 43, 2024-java 12, 2026)

## Vaksinimi ndaj COVID-19 sipas grupmoshave

Vaksinimi kundër COVID-19 mbetet një ndër masat kryesore për parandalimin e formave të rënda të sëmundjes dhe uljen e numrit të shtrimeve në spitale. Efektiviteti dhe rëndësia e vaksinimit ndryshon sipas grupmoshave, duke reflektuar nivelin e rrezikut që secila kategori paraqet. Grupmosha **25–39 vjeç** ka numrin më të lartë të vaksinimeve (472). Pas saj renditen grupmoshat **50–59 vjeç (326)** dhe **60–69 vjeç (313)**. Grupmoshat më të reja (12–17 vjeç) dhe më të moshuarit mbi 80 vjeç kanë numrat më të ulët të vaksinimit.



*Grafiku 5: Numri i vaksinave ndaj COVID-19 te aplikuara sipas grup-moshave, (java 43, 2024-java 12, 2026)*

INSTITUTI I  
SHËNDETIT PUBLIK